

P E N N I E L

Volume XXII, Issue No. 14

11th October 2009

HRIATTIRNA :

Marka Prayer Group ten ni 18/10/2009 (sat) hian Prayer Meeting neih tur a ni a. Member zawng zawngte kim tak a kal turin an in ngen.

Address-Pi Lalrindiki In Landmark Garden Flat # 401 (4th Floor) Building A1 Near Gold Adlabs.

Area huam chin: Camp, Lula Nagar, Kalyani Nagar, Koregon Park, Hadapsar, Gorpuri, BT Kawde Road,

Ni 13/10/2009 hian Johana Prayer Group ten NI Maliani te in Shangvi-ah Prayer Meeting neih tur a ni. Memberte kim taka kal tur a ni. Hla zir nan a hun hman tur a ni ang.

Ni 17-19 Oct 2009 hian Waghwadi Church-ah Rev David Lalramliana Ralte Speaker a hmanin Crusade an nei dawn. Tin, 20-22 Nov hian Waghwadi Church ah vek Pu Ravi Kant Speaker a hmanin Camping neih a ni bawng ang.

PMCF SPORT THLIRLETNA

Pu Mawia, Chairman
Sport Sub-Committee

A hmasa berin Tv.Marova te'n ni hnih taltap ground hman tur an zawnte kha sawi ngai lovah ngai ta ila, Biakin bul ground rem anga a lan tawh hnuah Sport hma ni chiahah a rem leh loh avanga hmanhmawh phelenga Pu Mawitea thurawn-a Mathurawala ground dilna kan siam buai chuk chukte pawh sawi ta lo mai ila. Tin, Ei leh in tur, banner, lawmman etc. chungchanga kan buai dan pawh sawikher lo ila. Kan sport ni hman dan hrim hrim kha lo thlirlet zawk teh ang.

Tan hun a hma thei ang bera dar 9:00 tan tum kha mi tamfe a hunah thlengin Ground enkawltuten luh mai an phal lo. Kan Sport thei lo takngial dawna kan hriat rum rum hnuah Pu Mawitea avang chauha nei thei lehin dar 10.30Am-a kan tan chauh chung pawh a programme items kan list tak zawng zawngte kan tizo thei kha kan zavaia fakawmna a ni. Tin, Deccan leh Sanghvi lam te pawh an rawn kalna a hla tih hriat miah lova an rawn thleng hma thei te kha a lawm awm hle. Incharge te an phe ranga, a turtu ten an

tur peih a, memberten hah pawh sawi lova kan zawm rah a ni. Tin, Rev.Tea te pawh Pastor an ni tih sawi miah lova, Ground an lo rin pui vat vat te kha kan tan hma theih chhan pawh a ni. Chawpchilh taka inhriat-tir hnuah pawh Fela'n thingpui Breakfast tur a lo buaipui diam hman te kha a va fel tak em! Sound lo buaipuitu Andrew-a leh a pawlte an ti tha baw. Tin, Jersey thar Pu B.T-a min pek kan release hmana, kan ha hman te khan Sport a ti changkanga a ti ropui baw, Jeje-a min buaipui vang leh a number lo chhuttirtu Ruata hmalakna liau liau a ni. Jersey hak tur nei ve lo Liandala Group ten Jersey/T.Shirt sen nen an rawn in dress thei vek te kha a ropuia, Jersey hak tur neite aiin an mawi zawk mah. An hruaitute an fakawm hle.

Kan inkhel hrim hrim a bikin football hmuhawm zia leh a lo changkan tawh dan te, hmeichhe ho

football passing te leh an pet goal dan class te thlirin lung a awi. Volley ball/ Basket ball kan ti thei ta lo erawh a tuiho ngaihdamna kan dil takzet.

Tin, Sport dawn hma daih atanga Pu Mawitea te chhung kan hawlhbuaia zia leh Becki pawh kan ti-hbuaizia, kan ei leh in tur buaipuia a hmanhleleh zia te leh a huntaka min hlui thei te kha a ropui a, Pu Rinliana'n Tyrannus boys ho nen tlawmngaia mahni petrol senga an va lam te kha hriathmaih chi a ni lo. Maisoki leh Lawmnaa te midang anga hlim hun nei ve lo lek a, kan game record felfai taka buaipuia, time an lo vawng te kha kan hlawhtlinna chhan pakhat a ni ngei mai. Announcer Tetea leh Tluangpuii te'n an hna an tlinzia te kha. Incharge hrang hrang kan ruat te NPSS zirtirtute chena an hna an tlinzia te kha sawihmaih chi a ni lo. Lawmman min semsaktu Pi Zosangin min rawn tawiawm nileng theite, Uncle Ravi leh Pi Rami te'n Programme dang nei

**Nakum 4th PMCF
SPORT-ah dam
takin kan la tiho
leh dial dial ang
chu.**

Editorial

Kan nghahhle em em PMCF Sport chu kan lo hmang zo leh ta reng mai. Kan hlim tlangin nuam kan ti tlang hle ni in a hriat a. Theih nise neih nawn leh a chakawm hle a ni. Chak ngei tumin theih tawp kan chhuah a, Infiamna a tel ve lem lo te pawhin theih tawp chhuahin kan pawlte kan lo tan ve baw a. Kan tih theih tawkah miten ten kan pawl an chak theih nan tan kan lo la a ni. Infiamnaah chuan a chak leh a chak lo an awm a ngai thin a, chutiang chuan a chak an awm a chak lo zawk pawh an

awm reng a. Mahse PMCF Sport in a tum ber chu chak leh chak loh a ni lova, A nuam hle mai tia, a nuam chinah chiah duh tawk mai kha a ni hek lo. A pawimawh ber zawk chu khami sport atanga inlungualna tha leh inhmel hriatna tha kan neih a, nasa zawk leh chak zawk a rawng kan bawl ho theih hi a ni. Pathian rawngbawlnaah hian thawh hona tha a pawimawh hle a, chumi thawhhona tha nei tur chuan inhmelhriatna te, inthian thatna te, inlungualna te a ngai a. Hemi kan sport hian chumi chu kan nei a nih chuan sport hlawhtling tak a ni ang a. Chumi nilo a a hlimawm leh nuam lai a kan duh

tawk mai a nih chuan kan sport khan awmzia teh chiam a nei lo tihna a ni dawn a ni.

Tin, hmun siam rem leh seng vel chungchangah tumah awl bik awm lovin kan thawk tlang dial dial a. Khangte khan kan inlungualzia leh kan thawh ho thatzia a lan tir chiang hle a ni. Hengte hi tun atan mai ni lo nakin hun lo la awm zel turah pawh kan chhuzawm zel a tha hle a ni. Kristian tha mi thatchhia leh zawmthaw a awm theih loh. Mi piangthar tha chuan a hma a tih tur awm a ping a ti thin tur a ni. Chuvangin kan awmna a piangah tlawmngaihna kan lantir zel tur a ni.

Cont..

chung pawha, lunch thleng min tawiamw thei te, Pu Siam a kul a taia tleirawl ang maia a lo che vel te khan min va tiphuisui tak em!

Group tin mai kan result dinhmuna lungawi taka kan haw thliai thliai thei te kha a lawmawm khawp mai. Tin, lawman tha leh mansang lutuk kan ti thei lo kha a hrehawm a, kum lehah chuan kha aia changkang tih theih kan va duh em !

Duhthawhna tlem: Ground hi nakumah chuan thla 4/5 hma tala

book lawk tur zawn a chi hmel khawp mai a, a ni tur pawh lo duanlawksa thlap a thathmel khawp mai. Tin, kum kalta-a kan Sport hnuhma(record) hmuh tur a awm lo kha a tha lova, kumina mi record siam ang hian File-ah emaw tal daha chhuzawm zel nise. Inelnaa chak tum tho chungah memberte a kim thei ang bera participate tir zel ni thei se a tha khawp baw ang.

Tlangkawmna: Engpawhnise, kum dang ai maha hlimawma PMCF Sport kan hmang zo thei kha a

lawmawm a, hemi atana rilru leh ngaihtuahna sengsotu Sport Committee te kha an fakawm, Item ti hlawhtlingtu group hruaitute hmalakna a thain an fak tlak, tha leh zung sengu PMCF member zawng zawng te chungah lawmthu kan sawi a ni. Tin, kan ground hman Grass pah ngat a ni te kha Pu Mawitea thawhrah vek a ni a, kan lawm takzet, kan vanneihna piah lamah Pathian thilthlawnppek a ni baw. Lalpa chu fakim awm rawh se. Nakum 4th PMCF SPORT-ah dam takin kan la tiho leh dial dial ang chu.

PMCF NEWS

#Kan member Emanuel Lalramnuama chu Typhoid natna in a dam lova. Ni 2/10/2009 khan Makan Hospital, Sangvi-ah admit niin, ni 5/10/2009 khan damdawiin atangin a chhuak. A dam that zel theih nan in tawngtaipui ang u.

Nimin 10/10/2009 khan Rokunga Group te chuan PMCF Sport a champion an nihna Pu A Chhawnmawia inah an lawm. Member 37 vel lai an kal khawm. Nuam an tiin an puar tlang hle.

Vawiin tlai Fellowship banah Kamlala Group te chuan a pumpui a

Bronze Medal an lak leh Football leh Tug of War a Gold medal an lak chu Lawmi (Orchid Palace, Kondwa) te inah an lawm dawn a. Kamlala Memberte kal vek turin an in ngen a ni.

Pual Prayer Cell Group te chuan nimin ni 10/10/2009 khan NI. Zuali te inah Prayer meeting an nei.

Ni 12/10/2009 atang hian UBS a zirlaite chuan Exam an tan dawn. Tluang tak a an exam theih nan tawngtainaah I lo hriatpui ang u.

Kan member Tv Jeje-a leh Zama te chu Goa ah National Under 19 khel turin Camp an nei mek. Nimin khan Calangune Club nen friendly

match an khel a, 5-0 in hnehna an chang. Jeje-an goal 2 a khung.

Building fund atan thawhlawm bawm chawlhni tin biakin kawtah hun thin a ni dawn. Memberten I ngai pawimawh ang u.

PMCF bultumin Unau Joint Fellowship Sport neih tur a ni a. a hun erawh a la chiang lo.

LAWMPUINA

PMCF Sport a champion team Rokunga group te Penial Editorial Board chuan a lawmpui tak zet che u a ni

Ambernath Missionary-te kawmna.

Pu Laldingliana Sailo : Amah hi Vanzau khaw chhuak a ni a. A pa kum 85 mi niin a boral tawh a, a nu in a la dam pui a ni. Unau 11 zinga naupang lamah 3-na a ni a. Bible Training an neih lai a an tawngtaina laiin Pathian pawlna a dawng a. A mumang ah Pathian rawngbawlna lam hmuh tir a ni baw a, chu chu kohna ah pawmin Pathian rawngbawlna lamah a kal ta a. Kum 1999 atangin Arunachal Evangelical atangin rawngbawlna a tan. Rawngbawlna lamah an indaih lo hle a, PMCF nen tang kawp a native worker rawih theih nise rawngbawlna lamah hlawk zawk a rin thu sawi. Rawngbawltu nun fimkhur a ngaih thu sawi tel a, nun a Isua ringtu nih lan chhuah tir a pawimawh thu a sawi baw.

Pu Laltlanthanga : Dinthar Veng Aizawl ah a piang a. chumi hnuah salem vengah an insawn. A nu leh pa in an boralsan tawh a. Unau pathum an ni a, an te berin a boralsan tawh a, a U erawh tlangval la niin a la dam. College a kal tirh kum 1993 khan rawngbawltu tura kohna a

dawng a. 2007 ah kohna a dawng leh a, tichuan TBZ rawngbawlnaah a lut ta a. Synod Mission Board hnuai rawngbawltu a duh ber amaherawhchu Pathian rem tihna apiang chu pawmin TBZ rawngbawlnaah hian a lut ta a ni. An awmna hmun Ambernath hi Mumbai leh Pune area a nih avangin nuam a ti hle a, a ram mite an tha in dodalna lam a in lo lawmthiam em em a. An post lo zawmtu rawngbawltu tan pawh in luah tur zawn vel pawh a awlsam a ti hle. Rawngbawlna duh angin chet a harsa a tia, thah-nemngaihna a na mahse tih theih a tlem si chuan tihrehawm thin. An awmna hi Ordinance Area (Army) bula awm a ni a, Ordinance Area kal tlang a ngai thin a vangin harsatna eng emaw an tawh thin. Tui a harsa hle a Zingah Ordinance Area ami an chawi a ngai thin. PMCF in Scooter an pek a vangin a lawmthu a sawi a. Maharashtra-ah an in bun a, tudang beh chhan an nei lova, Mizo fellowship te an behchhan ber a nih thu a sawi. Tawngtai leh thil pek a tanpuina pe zel turin PMCF te an ngen tak zet

a ni.

Nl. Rebecca Lalnuntluangi : Ramhlun 'S' Aizawl a piang leh sei lian a ni a. A nu leh pate an la dam. Unau hmeichhia vek pathum an ni a, a upa ber a ni. Mat 27:19 hmangin Pathian kohna a dawng a. Zirna vangin a kal lo. Kum 2005-ah missionary hna dil a tum a, mahse a chhungten rem an ti lo a. Pathian kohna amahah a chian em a vangin a pa hlau chung chungin application last date-ah a theh lut hram a. A tir chuan a chhungten an lawmpui lo hle a, mahse tunah chuan an lawm ta zawk hle a ni. Mizo hmeichhe tan vairam a rawngbawltu harsatna chin awm in a hria a, mahse Pathian hruaina in tluang takin rawngbawlna a la kalpui thei zel a ni. Ramthar lamah rawngbawltu turin kal kher lo pawhin thil pek hmangin rawngbawltu theih a ni a, chu rawngbawlna chu PMCF ten chhunzawm zel turin min duh a ni. Rawngbawltu nunah chuan inpekna a ngai pawimawh ber bera a. Lalpa nen chuan engkim tih theih vek a ni tiin a sawi.

PMCF OUTREACH & EVANGELISM COMMITTEE

THUTHLUNG THAR CHHIARCHHUAH PROGRAMME THAWHKHATNA: BIBVEWADI & DHANKAWADI. CHHIAR LA HMABAKTE

1. C. Lalramdinmawia	9975985281	Lk. 15 - 19
2. H.C. Zonunsanga(Zonuna)	9503154335	Lk. 20 -24
3. Lalbiakluni (Mabiaki)	9766041860	Jn. 1 -4
4. Lalramengi (maengi)	9970366962	Jn. 5 - 9
5. Mary Lalthianghlimi	9623933935	Jn. 10 - 13
6. Benjamin Lalrinmawia	9096675937	Jn. 14 - 17
7. Moses Lalhmingliana	9096690282	Jn. 18 - 21

PENIAL EDITORIAL BOARD

Paul Lalthuamsanga 9922689606
 Hmangaihzuuala Pachuau 9730670481
 Lalnunfela 9970231904
 R.K. Vanlalhruaia 9921291368

PMCF INKHAWN PROGRAMME

18-10-2009

Pulpit exchange Visit from Kuki Worship Service
 Conductor : Saitluangpuii Sailo
 Scripture Reading : KWS
 Special Number : PMCF and KWS
 Massage : Pastor Alfred Chiru (Pastor i/c KWS)
 Vote of Thanks : A Chhawnmawia (Chairman PMCF)
 Intercessory
 Prayer : R.K Vanlalhruaia
 Ushering : PMCF and KWS

PMCF SPORT RESULT

Item	Prize	Point Score
Relay Race (Mix)	1 st Rokunga	100
	2 nd Liandala	70
	3 rd Kamlala	50
Wheelbaro Race	1 st Rokunga	100
	2 nd Liandala	70
	3 rd Kamlala	50
3 Legged Race	1 st Liandala	100
	2 nd Rokunga	70
	3 rd Rokunga	50
Alphabet rem	1 st Rokunga	100
	2 nd Liandala	70
	3 rd Kamlala	50
Paho Football	1 st Liandala	100
	2 nd Rokunga	70
	3 rd Rokunga Liandala	50
Hmeichhia Football	1 st Rokunga	100
	2 nd Liandala	70
	3 rd Kamlala	50
Dead Ball	1 st Rokunga	100
	2 nd Liandala	70
	3 rd Kamlala	50
Mipa Football	1 st Kamlala	100
	2 nd Rokunga	70
	3 rd Liandala	50
Tug of War	1 st Kamlala	100
	2 nd Rokunga	70
	3 rd Liandala	50
A pumpui	1 st Rokunga	880
	2 nd Liandala	700
	3 rd Kamlala	450

Executive Meeting

A Hmun : A. Chhawnmawia In Cross Road.

25-10-2009

Lalpa Zanriah Sakrament
 Buatsaihtu : Rev. Chhuahkhu Khiethie
 Tantu : NI C. Lawisi
 Zai : Johana Group

Receptionist

NI Vanlalhruaizeli NI. Gospel Chhanchhin-mawii
 Tv. Lalramlawmawma Tv. Lalduhawma
 Hrahsel

Fiamthu

Rokunga group ten an champion an lawm tawh a, Kamlala group ten football a an champion an lawm dawn bawk a, Keini Liandala group hian kephuar a tlan leh Pu Tetea fooball pet champion kha lawm ve mai tur em ni le?? - Maroa

Pi Mabiakin field laiah damna a chang. Mahse tun thlengin a la chhuak thei tlat lo...

PRAYER CELL GROUP HRUAITUTE

Luke Group

Marka Group

Leader : Lalthanpuia

Leader : Lawmnakima

Secretary : C. Lalramdinmawia

Secretary : Lalthanzami Hauhnar

Johana Group

Paula Group

Leader : Emanuel Lal-ramchhuana

Leader : Zonunsanga

Asst Leader : Lalpekhlua

Secretary : Alice Lalrinchhungi

Secretary : V.L Chhuanga

Mathaia Group

Leader : Lalhriatpuia

Chawngthu

Prayer Group hruaitu zawng zawngte kumin chung zawng a tluang taka in kal theih nan Penial Editorial Board chuan duhsakna kan hlan a che u.

Secretary : Lawmsangkimi